



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Compendivm Totivs Tractatvs De S. Matrimonij
Sacramento R. P. Thomæ Sanches E Soc. Iesv**

Sánchez, Tomás

Coloniæ Agrippinæ, 1624

4. Vicarius.

urn:nbn:de:hbz:466:1-41559

dicendum de diebus festiuis, l. 6. d. 25. à nu. 22.
usque ad 26.

7 Siue vestes mittantur vxori, siue sponsæ,
si sunt pretiosæ, non censentur donatæ, quoti-
dianæ verò maximè, & hoc attento iure com-
muni, & antiquo Castellæ. Secùs dicendum
secundum ius nouum Castellæ, licet donatio,
& vestes excedant décimā partem bonorum
sponsi, libr. 6. disputation. 25. à numer. 27. usque
ad 31.

8 Vestes donatæ à socru nuprui, si fuerint
pretiosæ, quando non constat de eius mente,
non censentur donatæ: si verò fuerint quoti-
dianæ maximè. Idem dicendum de vestibus
datis per patrem filiæ nuptiarum tempore. At-
tamen vestes pretiosæ censentur donatæ, quā-
do ultra dotem tradidit ea pater. Item vestes
pretiosæ datæ filiæ, vel nuprui, conferendæ sunt
tales, quales erant collationis tempore, & non
secundum aestimationem temporis, quo tra-
ditæ fuerunt, nisi datæ sint æstimatae ea aesti-
matione, quæ fecit emptionem, l. 6. dis. 25. à n.
32. usque ad finem.

Vicarius.

1 Vicarius generalis Episcopi, etiam Sede
vacante, & aliorum habitantium iurisdictione
quasi Episcopalem, est ordinarius, non tan-
tum quoad ea, quæ sibi ex officio competunt,
sed etiam quoad commissa sibi ab Episcopo
vnica commissione, dum constituit eum Vicar-
ium: & in his, in quibus est Ordinarius, non
appel-

appellatur ab illo ad Episcopum. Et venit nomine Ordinarij, quoties talis mentio sit: secus, quando est delegatus. Item potest audi e confessiones in tota diœcesi, & dare licentias, & comprehenditur nomine proprij sacerdotis in cap. omnis. Item potest, interesse matrimonio, committereque alij, ut intersit. Idem dicendum de Vicarijs habentibus iurisdictionem qu. si Episcopalem, & de Vicario foraneo habente delegatam ab Episcopo matrimonialium causarum cognitionem, libr. 3. tota disputat. 29.

2 Vicarius foraneus est delegatus, licet constituantur in aliqua parte diœcesis ad uniuersitatem causarum illius loci. Item erit foraneus, si constituatur in aliqua parte diœcesis, licet sit in sola ciuitate, in qua residet Episcopus, & ab illo potest appellari ad Episcopum. Vicarius autem generalis est ille, qui gerit vices ordinarij constituentis in eodem loco, & tribunal, in quo consuevit ipse ordinarius ius dicere, l. 3 disp. 29 nu. 10. 11. & 12.

3 Potestas Vicarij tribus modis cessat. 1. Reuocatione Episcopi facta per ipsum, vel eius epistolam, vel per eius procuratorem, vel nuntium ad id destinatum. Idem dicendum de reuocatione delegati. 2. Cessat excommunicatione Episcopi notoriâ & denuntiatâ, etiam quoad negotia incepta ante excommunicationem. Item interdicto Episcopo manet interdictus Vicarius: tamen licet suspendatur iuris.

iurisdictio, manet verus Vicarius, & potest iudicare causam ab alio delegatam, quando cognitio eius non est specialiter suspensa per excommunicationem. Item Episcopus suspensus, vel excommunicatus denuntiatus potest, & etiam eius Vicarius interesse matrimonio: non tamen potest constitui Vicarium, aut parochum. Cessat morte ipsius Episcopi omnino ipso facto, & omnia gesta sunt nulla, etiam quoad negotia cœpta, licet mors non sit intimata Vicario. Et quando est conscius Vicarius mortis, & communiter ignoratur, interim gesta valent. Secus dicendum, quando communiter scitur, & ille minimè. Eodem dicendum, quando Vicarius est reuocatus ab Episcopo. Item differentia, quæ reperiuntur inter Vicarium foraneum, & Ordinarium est, quod iurisdictio ordinarij expirat omnino morte Episcopi, etiam quoad incepta negotia, foranei verò minimè, libro. 3. tota disputation. 30.

4. Nomine Officialis diœcesani intelligitur Vicarius generalis Episcopi illius diœcesis, l. 8., disp. 27. nu. 19.

Vidua.

1. Vidua semel fornicans anno luctus perdit legatum à viro relictum post sententiā iudicis, ac incurrit omnes pœnas nubentium intra illum annum, nisi eo anno luctus, quo fœmina fornicatur, iam secundo nupserat ante fornicationem, vel si post annum luctus vidua adhuc